

Pemuda Indonesia kendali judi dalam talian dipenjara lima bulan

KUCHING: Padah mengendalikan aktiviti perjudian dalam talian, seorang pemuda Indonesia berusia 21 tahun dijatuhi hukuman penjara lima bulan di Mahkamah Majistret di sini, semalam.

Majistret Ling Hui Chuan memerintahkan hukuman penjara bagi Thomas yang tidak diwakili peguam itu untuk dikuat kuasakan mulai semalam.

Tertuduh mengaku bersalah di bawah Seksyen

4B (a) Akta Rumah Judi Terbuka (ARJT) 1953 yang jika sabit kesalahan, boleh dipenjara sehingga 10 tahun atau denda atau kedua-duanya sekali.

Berdasarkan pertuduhan, tertuduh didakwa melakukan kesalahan itu di sebuah premis di Kampung Dagang Jaya, Stampin di sini sekitar jam 3 petang pada 25 April 2025.

Mengikut keterangan kes, polis yang melakukan Ops Dadu pada hari kejadian

membuat serbuan terhadap premis berkenaan kerana disyaki terdapat aktiviti perjudian dalam talian.

Hasil pemeriksaan kemudian membawa kepada penangkapan tertuduh bersama peralatan yang diguna untuk menjalankan aktiviti tersebut, antara lainnya adalah sebuah telefon pintar, satu mesin pencetak mudah alih dan wang tunai berjumlah RM79.

Tertuduh tidak diwakili peguam.